

Laporan Hak Asasi Manusia 2009: Gambaran Umum dan Penghargaan

Biro Demokrasi, Hak Asasi Manusia, dan Buruh

Laporan Negara tentang Amalan Hak Asasi Manusia
11 Mac 2010

LAPORAN HAK ASASI MANUSIA

Mengapa Laporan Disediakan

Laporan ini diserahkan kepada Kongres oleh Jabatan Negara menurut Seksyen 116(d) dan 502B(b) Akta Bantuan Luar Negara 1961 (FAA), sebagaimana yang telah dipinda. Undang-undang menetapkan bahawa Setiausaha Negara perlu menyerahkan kepada Speaker Dewan Perwakilan Rakyat dan Jawatankuasa Hubungan Luar Negara Senat menjelang 25 Februari "laporan penuh dan lengkap mengenai status hak asasi manusia yang diiktiraf oleh dunia, mengikut subseksyen (A) di negara-negara yang menerima bantuan di bawah bahagian ini, dan (B) di negara-negara asing lain yang menjadi ahli Pertubuhan Bangsa-Bangsa Bersatu dan yang tidak tertakluk kepada laporan hak asasi manusia di bawah Akta ini." Kami juga menyertakan laporan beberapa negara yang tidak termasuk dalam kategori yang ditetapkan oleh statut-statut ini dan dengan demikian tidak termasuk dalam syarat-syarat kongres.

Pada awal tahun 1970-an Amerika Syarikat secara rasmi menganggap adalah tanggungjawabnya untuk berbincang mengenai hak asasi manusia antarabangsa. Pada tahun 1976 Kongres menguatkuasakan undang-undang yang mewujudkan jawatan Penyelaras Hak Asasi Manusia di Jabatan Negara, satu jawatan yang kemudian dinaiktaraf kepada Penolong Setiausaha. Undang-undang juga mensyaratkan dasar luar negara dan perdagangan A.S mempertimbangkan prestasi negara-negara dalam hak asasi manusia dan hak-hak pekerja dan laporan negara itu diserahkan kepada Kongres setiap tahun.

Bagaimana Laporan Disediakan

Jabatan Negara menyediakan laporan ini dengan menggunakan maklumat daripada kedutaan-kedutaan dan konsulat-konsulat A.S. di luar negara, pegawai kerajaan asing, organisasi bukan kerajaan tempatan dan antarabangsa, dan laporan-laporan yang telah diterbitkan. Draf awal laporan negara masing-masing disiapkan oleh perwakilan-perwakilan diplomatik A.S. di luar negara dengan menggunakan maklumat yang mereka dapat sepanjang tahun daripada pelbagai sumber termasuk daripada pegawai-pegawai kerajaan, pakar-pakar undang-undang, angkatan tentera, wartawan-wartawan, pemantau-pemantau hak asasi manusia, ahli-ahli akademik, dan aktivis-aktivis buruh. Pengumpulan maklumat-maklumat ini boleh menjadi kerja yang merbahaya, dan kakitangan-kakitangan Perkhidmatan Asing selalunya bersusah payah bekerja dalam keadaan berbahaya untuk menyiasat dakwaan-dakwaan pelanggaran hak asasi manusia, memantau pilihan raya, dan membantu individu yang berisiko, seperti ahli-ahli politik pembangkang dan pembela hak asasi manusia yang hak-haknya diancam oleh kerajaan mereka.

Setelah konsep awal laporan negara masing-masing selesai, Biro Demokrasi, Hak Asasi Manusia dan Buruh bekerjasama dengan pejabat-pejabat lain di Jabatan Negara, untuk membuktikan, menganalisa, dan menyunting laporan berdasarkan sumber-sumber maklumat mereka sendiri. Sumber-sumber ini

termasuk laporan yang disediakan oleh Amerika Syarikat dan kumpulan-kumpulan hak asasi manusia lain, pegawai-pegawai kerajaan asing, wakil-wakil daripada Pertubuhan Bangsa-Bangsa Bersatu dan pertubuhan-pertubuhan antarabangsa dan serantau yang lain, pakar-pakar akademik, dan media. Pegawai biro juga berunding dengan pakar-pakar tentang hak-hak pekerja, isu-isu pelarian, mengenai hal ehwal tentera dan polis, isu-isu wanita, dan perkara-perkara berkaitan undang-undang. Ini semua dilakukan untuk memastikan semua maklumat dinilai secara objektif, menyeluruh, dan adil.

Laporan ini akan digunakan sebagai sumber untuk membentuk dasar, melakukan diplomasi, dan memberi bantuan, latihan, dan pengagihan sumber-sumber lain. Ia juga berfungsi sebagai asas bagi Kerajaan A.S. untuk bekerjasama dengan kumpulan-kumpulan persendirian bagi menggalakkan mereka patuh terhadap hak asasi manusia yang diiktiraf antarabangsa.

Laporan Amalan Hak Asasi Manusia Negara merangkumi hak-hak sivil, politik dan pekerja, yang diiktiraf dunia sebagai mana yang ditetapkan dalam Pengisyntiharan Hak Asasi Manusia Sejagat. Hak-hak ini termasuklah kebebasan daripada penyeksaan atau kekejaman lain, layanan atau hukuman yang tidak berperikemanusiaan atau memalukan, daripada penahanan tanpa tuduhan yang berpanjangan, daripada kehilangan atau penahanan rahsia, dan daripada pelanggaran terang-terangan terhadap hak untuk hidup, kebebasan dan keselamatan individu.

Hak asasi manusia sejagat bertujuan memasukkan amalan menghormati martabat manusia ke dalam proses pentadbiran dan undang-undang. Semua orang mempunyai hak atas kewarganegaraan, hak yang tidak boleh dinafikan untuk menukar kerajaan mereka secara aman dan hak untuk menikmati kebebasan asas, seperti kebebasan meluahkan pandangan, berpersatuan, berhimpun, bergerak, dan beragama, tanpa diskriminasi berdasarkan kaum, agama, negara asal, atau jantina. Hak untuk menyertai kesatuan buruh bebas adalah syarat yang perlu dalam masyarakat dan ekonomi yang bebas. Laporan ini menilai hak-hak pekerja yang diiktiraf antarabangsa, termasuk hak berpersatuan, hak untuk berorganisasi dan berunding bersama, larangan kerja paksa atau kerja wajib, status amalan buruh kanak-kanak, usia minimum untuk kanak-kanak bekerja, dan keadaan bekerja yang boleh diterima.

Kakitangan redaksi untuk Pasukan Laporan Negara dalam Biro Demokrasi, Hak Asasi Manusia dan Buruh ini terdiri daripada: Ketua Pengarang Stephen Eisenbraun; Pengarah Pejabat: Carlos Garcia, Douglas Kramer, dan Kay Mayfield; Pengarang Kanan: Jonathan Bemis, Douglas B. Dearborn, Daniel Dolan, Jerome L. Hoganson, Patricia Meeks Schnell, Julie Turner, dan Rachel Waldstein; Sidang Pengarang: Naim Ahmed, Yusuf Barghout, Kate Berglund, Sarah Beringer, Marissa Brescia, Sarah Buckley-Moore, Liliana Caparo Ariza, Laura Carey, Elise Carlson-Rainer, Delaram Cavey, Sharon Cooke, Susan Corke, Stuart Crampton, Kathleen Crowley, Frank Crump, Tu Dang, Mollie Davis, Huseyin Dogan, Will Dokurno, Mort Dworken, Amy Feagles, Joan Garner, Solange Garvey, Jeffrey Glassman, Blake Greene, Edward Grulich, Patrick Harvey, Victor Huser, Jill Hutchings, Stan Ifshin, David T. Jones, Simone Yusuf, Mancharee Junk, Douglas Kramer, Sarah Labowitz, Jessica Lieberman, Gregory Maggio, Stacey Mei, John McKane, David Mikosz, Mia Mitchell, Stephen Moody, Sarah Morgan, Perlita Muiruri, Sandra Murphy, Daniel L. Nadel, Catherine Newling, Anand Prakash, Drue Preissman, Gabriela Ramirez, Lea Rivera, Peter Sawchyn, Wendy Silverman, Catherine Snyder, Erin Spitzer, Rachel Spring, Michael Suttles, Leslie Taylor, James Todd, Kathy Unlu, David Wagner, Nicole Wilett, Karen Yoo; Editor Penyumbang: Lynne Davidson; Pembantu Pengarang: Cory Andrews, Carol Finerty, Ronya D. Foy, Lauren Gandillot, Yelipza Gutierrez, Wen Hsu, Raymond Lu, Stephanie Martone, James McDonald, Matthew Miller, Amanda Pourciau, Sabrina Ragaller, dan Helaena White; dan Pembantu Teknikal Eunice Johnson.